

Frå Stølsvegen Venelag
v/Britt Eide
Yksendalsvegen 125
5728 Eidslandet

Til Utval for bygdeutvikling
Vaksdal kommune v/ Tore Henrik Øye
5722 Dalekvam

Yksendalen, 28. september 2021

Søknad om midlar til informasjonstavler og historiske skilt langs buføringsvegen til Yksendalstølen

Stølsvegen Venelag (org. nr 819407592) søker med dette om kr. 20.000,- i bygdeutviklingsmidlar til ovanståande prosjekt.

Bakgrunn: Viser til tidlegare innsendt prosjektbeskriving og dokumentasjon i samband med søknad om BU-midlar til restaurering og oppgradering av stølstien. Me er svært takknemlege over løyvinga! Arbeidet med stien er no i full gang, etter ein forseinka oppstart grunna pandemien. <https://www.facebook.com/stolsvegenvenelag>

Aktuelt: I samband med den store vøla av stien vil me setja opp informasjonstavler ved starten av stien og på stølen, samt ein del retningsskilt /pilskilt. Me har også under utarbeiding tekst og bilete til fire skilt med gardshistorie som skal setjast opp langs stien. Det skal også etablerast tre – fire kvileplassar langs stien som ein del av arbeidet med oppgraderinga. Dette er eit «prosjekt i prosjektet», og er eit samarbeidstiltak -både økonomisk og praktisk - mellom Stølsvegen Venelag og grunneigar Kari Brørvik.

Me er opptatt av å fortelje historia om gardsdrifta, med spesiell vekt på arbeidet i utmarka og på stølen. Dette er opplysende, og viktig å formidle til vandrarar og andre besøkjande, og denne historia må takast vare på for ettertida. Det er forventa vesentleg fleire vandrarar som tek turen til stølen og også vidare til andre gardar og stølar i Eksingedalen når stien er utbetra. Dette er også ei av målsetjingane, og dette området har rikeleg med kulturminne. Me reknar med å nå mange med informasjon og kulturhistorie gjennom skiltprosjektet, og forsterke kulturopplevinga når ein vandrar i dette dramatiske og flotte landskapet.

På grunn av hardt klima har me valt god kvalitet på skilta, slik at dei skal stå lengst mogeleg og ikkje utløyse vedlikehaldsarbeid, t.d. måtta takast ned om vinteren. Alle skilt får rustfrie oppheng på galvaniserte stålrør som er skrudd fast i foten rett på fjellgrunn eller rett på steinvegg. Firmaet Arkeoplan vart valt av tre tilbydarar, og kostnaden med skilta er kr. 84.958,- ex moms. Verdien av eigeninnsatsen kjem i tillegg. Det er rekna 100 timar eigeninnsats til dette prosjektet: utarbeiding av tekstar, framskaffing av bilete, tilrettelegging av kartgrunnlag og illustrasjonar, montering av skilt og stolpar. Stølsvegen Venelag kostar alle utgiftene med etablering av kvilebenker.

Med helsing Stølsvegen Venelag

Britt Eide, leiar

Vedlegg: Ordrebekreftelse Arkeoplan